

道教靈驗記卷之四

廣成先生杜光庭集

尊像靈驗

南平丹竈臺金銅像驗

丹竈臺在渝州南平縣南界南平即古江州也湘東王曾領其地陶隱居鍊丹於此臺有石階古壇基址猶在臺側山上石龕中有金銅像皆天尊道君老君真人之形大者三尺小者八九寸雖無風雨飄漬且年祀久遠而金色鏤人精光奪目製作精巧異於常工既重且深皆疑其真金也古老相傳取者必有神理所貴故無人敢侵毀更文才者巡行鄉里知而取之潛有鎔鍛之意既取三四軀將到家忽自掉其頭匍匐階下曰實起惡意欲損害功德又如鞭捶痛楚之聲舉身自撲耳鼻流血乃謂其子曰速將功德送於本處戒後來子孫大道威靈不可輒犯其子孫數歲立在其前文才指之曰此兒可令名畏道言訖而死視其形已爛壞糜碎矣至今鄉里相傳永以為戒衆像皆在無敢犯者里人不

知呼為佛子龕爾

蜀州天尊碑驗

蜀州天尊碑無制置年代云管使楊叔觀好善畏慎之人也因管中早起見空中有天尊影在雲氣中纔見半身而已去地丈餘俄相燦然上有焰光寶殿良久乃隱如此日日見之問左右即無親者叔觀因思之此下恐有尊像藏在地中託以他事乃穿阮出土深丈餘得古碑有天尊像一如所見自膝已下碑已折矣更左右穿斷尋求亦不能得洗拭焚香置於淨所每祝之曰但更得餘碑即送紫極宮供養別加粉飾月餘夢曰吾足在北三十餘步礪石是也汝能全而安之可加二十年壽脫今歲死災既而自所得碑處直北三十步有一片石數寸出土上人用礪刀還今掘之果折碑矣洗而勒之屈曲相契遂加金彩裝鑿立於紫極宮是冬連病月餘自此二十年乃卒二十年間衣食豐贍家無寒苦焉

唐興堰石天尊驗

唐興堰村渠小堰也在縣西南十里許鄉人

每冬修築以備春耕功用極至而水至即壞莫知其故也忽寓夢於堰長曰我聖人之像萬國所尊鄉人無知用以堰水靈官所責其人今已死矣汝能出之堰可成也明日告衆人持錫求焉果於堰底見一方石掘而出之乃是天尊像倒在土中久為浸漬而頭冠金色鬚髮紺綠皆無所傷里人築室以事香火祈禱甚靈堰亦自此無損矣

常道觀鐵天尊驗

常道觀鐵天尊鎔範精妙儀相炳然高三尺餘久置於南廊之下金彩銷剝左手一指已損邑人費和臥疾半年日以瘦銷醫藥巫祝不能效良忽夢一道士年可四十餘著舊山水被奉其左手而謂之曰我住在山中姓樂天下之人皆貴重我而山中人少衣服欲弊左手指痛汝為我理之當令汝所疾立愈年命延益汝今歲年盡若早見我可加得十年和今人入山求訪姓樂尊師數日不得乃自力疾上山覺心神輕朗因徧於功德前炷香乃見南廊鐵天尊與夢無異衣被暗剝驗其

左手一指少損因發願裝修宿於山中設齋
虔祝三日而所疾平復歷問道流不知天尊
之姓後有引思微定志經說樂靜信證果為
元始天尊之事契其言矣已亥年夢至庚戌
年冬費和方卒

木文天尊驗

木文天尊者開元十七年蜀州新津縣新興
居寺四月八日設大齋聚會之次有一道流
後至就眾中坐眾人輕侮之不與設食齋畢
道流起入佛殿中良久不出人皆異之爭入
殿尋求無復蹤跡忽見道流隱形在殿柱中
隱隱分明以刀斧削之益加精好其像於殿
柱中自然而見高三尺五寸以來雲冠霞衣
執手爐寶香右手炷香於煙上冠中有鳥如
鴛鴦形足下方頭履履下蓮花後荷葉上
有神龜之形左肘後有雲片連焰光中有青
龍之首右肩之前有虎形迴顧於左此外周
身火焰如太一天尊肩鬚鬚髮細於圖書白
外繞身有雲葉天花一十二處頭光之上有
大花如蓋以庵其身長史張敬忠具以上聞

初內官林昭隱就川迎取像柱令作寶輿好
好堅安至京進於內殿上躬親禮謁三日大
齋訖令衛尉寺於東明觀陳設宣送天尊就
觀安置大開道場許臣庶瞻禮仍令兩街大
觀每處作道場七日是時僧等上表抗論云
寺中示見必是維摩詰之像非關道門所有
上令宣示曰朕觀像柱之上是天尊之冠非
維摩詰巾也僧等既慙於妄奏乃雇有力之
士使於東明觀道場中竊之既供養數日入
心急倦力士夜於道場中抱取像柱以絹繩

繫縛負之而行出觀院之外歷街坊極遠約
十餘坊力疲而坐歇須臾既曉只在道場之
前眾遂擒之訊其所以乃西明寺僧召募三
十人令其竊取像柱具事密奏明皇不令尋
究收像柱於大內其後模寫絹本宣賜諸道
及軍臣焉

什邡縣興道觀鐵像天尊驗

漢州什邡縣鐵像天尊高丈二三俗謂之為
金像元在金堂峽中崖壁之下大水石摧像
乃露現或浮於水上出五六尺其側即昌利

化也道泉焚香備幡花迎引身即沉隱不見
稍晴又泛泛而出昌利三迎之皆不可致明
年夏大水泛濫乃汭流至什邡興道觀後水
朕甚小不知其所來之由邑人迎引上岸初
只百人引拽已及平地欲置於大殿之中數
百人挽之竟不能動因構堂以蓋之至今頗
經亂離雖堂宇盡焚此像不損

洪州信果觀木天尊驗

洪州信果觀木像天尊即古跡豫章木之所
雕也其觀亦在豫章舊跡古老相傳頗有靈
應洪州閭井沃壤戶口殷繁多水居戶以竹
木作筏結竹舍於其上至於陸居之家亦以
竹瓦蓋屋每風浪鼓擊竹木相摩自然火出
火燭之患無歲無之信果觀在要關之所每
有失火止於觀之四隅尋即滅矣或反風拒
焰或雷雨交至未嘗有焚灼之害觀側之人
有大之時常見黑氣從天尊殿上而起立為
霧露周蓋觀宇由是火不能燒一郡之人謂
之火不燒觀其像至今猶在

彭州三台觀鐵天尊驗

彭州濛陽縣三台觀德像天尊則天朝鄉人
眾力所鑄鎔範之日作大齋有紫雲如蓋覆
於爐上中有三星光明皎潔日為之瞻瑞鶴
十餘隻飛翔空中其匠廖元立喜曰我曾鑄
三處天尊皆有異應陽安開元觀天尊有三
鶴下繞其爐梓州玄德觀天尊有紫光五色
焰從爐中出今此天尊靈應最多相好必當
圓備既成之後累有感通郡邑之人歸依如
市疾苦祈願者立愈小有竊盜失物者焚香
祈告賊即立敗由是井邑鄉里無有小盜皆
畏其靈驗矣近者以觀為管頗損良馬人多
輕侮聖跡猶未為意矣

青城山丈人真君驗

青城山丈人真君像冠蓋天之冠著朱光之
袍佩三亭之印以主五嶽威制萬神開元中
明皇感夢乃夾紵製像送於山中自天國祠
宇移觀於今所蓋取春秋祭山去縣稍近以
天國太深故也數十年金冠之色宛如新製
有村人無知以賦稅所迫徵促鞭笞一夕走
投觀中齋三數錢神香於真君前燒香告以

官稅所切累遭杖責乞真君頭冠責以充稅
因忽夢見真君謂之曰我頭上冠非是純金
乃金箔耳膏無所直汝或得金亦為官中所
責損汝性命其禍不小山門廟前有十千錢
碑傍木葉下可以取之官稅之外資汝家產
此人禮敬致謝出山得錢租稅既畢家亦漸
富自是每月送香油觀中至今真君頭冠低
俯向前傳云今此人看驗冠非純金所以然
矣

雲頂山鐵天尊驗

雲頂山鐵像天尊高三四尺亦是則天朝濛
陽匠人廖元立所鑄其山本是仙居觀有兩
處洞門及盧照隣碑近無道士住持為僧徒
所奪為寺碑及洞穴亦已掩蔽摧損惟天尊
一軀每有僧徒創意欲毀之立有禍患捶擊
不壞鎚鍛不傷僧徒託言山神有靈掩閉天
尊之驗遠近莫能知之廖元立初鑄天尊之
時有紫雲如城其上吐五色氣以捧於日眾
共瞻禮忽有靈鶴數隻引一大鳥翼廣丈餘
通身赤色其形如鳳眾鶴繞爐盤旋察喉相

應大鳥飛勢迅疾徑入爐中眾方驚異即有
大焰高三五十丈其聲如雷運通屬天迸散
流溢直遍山上眾人奔駭但聞異香之氣彌
日方歇既鑄成天尊儀相奇妙四方禱請立
蒙福祐靈驗如此豈常凡之意可以毀傷哉

洵陽望仙觀天尊驗

金州洵陽縣望仙觀天尊古跡所遺極多靈
應縣境之人有論訟難理之事公私攘竊之
徒但焚香披陳即有響答有隱情誣蔽者即
夜有神人詣門喚之遽令對會被喚者見宮
闕官署在大殿之後別有樓閣十餘間兩面
廊下列曹吏鞠勘一如人間官府矣故有匪
情校靈黨惡朋姦者亦見送於獄中送獄者
於此即死對會者俱具情狀即復放還由是
境內畏威各洗心改過而為善矣其邑中走
失猶犬巨細論訟陳狀於殿壁之上動盈百
幅矣至今常然

蘇鶻偷尊像驗

蘇鶻常州無錫人也貧而好酒日日須醉家
產既盡遊向於他方至衡州偷觀中法物及

銅錫功德貨賣沽酒永嘉二年八月入觀中
擬棟銅像之次迷悶叫喚人皆聞之果見倒
在殿門之側道流扶於階上方能言曰某欲
取銅像偷賣見有金甲神將數人以戈向之
將欲斬刺乃叫乞命爾道流哀而捨之自此
風癩人皆惡見道士梅有方聞其所說為作
靈寶齋拜章懺謝眉鬚再生平復如故鵠感
此恩捨身為洞靈觀行者終身持經不復飲
酒年七十餘方死

○道教靈驗記卷之四

道教靈驗記卷之五

卷之五

第四

廣成先生杜光庭

張仁表太一天尊

左街道士張仁表辨博多才應內殿講論連
機響答抗敵折衝莫能當之也而所履薄誕
未嘗有由衷之言及於儕友險躁詭妄人多
薄之因疾作逾月醫不能效夢為司命所攝
步卒騎吏就所居以捕之亦如世上之擒寇
索姦爾寬隱無所索來將去歷荒徑曠原皆
荆棘之地牽頓昇曳其速如飛水宵蕪棘肉
辟芒刺苦不可堪行可三十餘里遙見皇城
上有煙焰漸近視之乃鐵城也擁關衛門守
捍抗敵皆獸頭人身蛇臂之士或四口八目
或十臂九頭齒若霜雪牙如劍鋒真世之所
畫地獄狀也入門則珠宮瓊室玉樓金殿非
常目所親頌異於冥關之中行四五里一無
所親徐問所驅捕者此何處也與門外所見
不同或答曰此太一天尊宮耳過此方到本
司仁表聞太一之名忽記得平常講說之處

多勸人念太一救苦天尊今此乃天尊之宮
何可不念即高聲念太一救苦天尊十餘聲
牽頓者皆笑曰臨渴穿井事同噬臍胡可得
也既聞衆笑不阻其念更唱十餘聲其詞哀
楚其音悲切亦淚下沾衣如是忽有赤光照
其左右牽頓者一時捨去獨在光明之中顧
盼四方山川明媚雲物閑暇頃之天尊與侍
從十餘人現其前矣仁表禮謁悲咽叩得稽
顙述平生之過頓乞懺悔天尊坐五色蓮花
之座垂足二小蓮花中其下有五色獅子九
頭共捧其座口吐火焰繞天尊之身於火焰
中別有九色神光周身及頂光中鋒鏗外射
如千萬鎗劍之形覆七寶之蓋後有駕赤寶
花照耀八極真人力士金剛神王玉女玉童
充塞侍衛陰陽太一四十六神自領隊亦
侍左右雲車羽蓋徧滿空中天尊謂仁表曰
人之在生大慎三業十惡三業之中口過尤
甚一人妄說萬人妄行妄說之人首當其罪
汝之三業罪無不為吾不救護永淪幽苦汝
壽命已盡不當復還今救汝七年誘化於世